



Broj: 06-11-9567-2/25
Sarajevo, 11.07.2025. godine

Na osnovu člana 56. stav (1) tačka e) Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", br. 31/22, 8/24 i 13/25), člana 3. stav (1) tačka e), člana 8. stav (4), člana 30. i 31. Pravilnika za utvrđivanje prava na dodjelu jednokratne novčane pomoći ("Službene novine Kantona Sarajevo", br. 15/25 i 20/25) i člana 3. Poslovnika o radu Komisije za dodjelu jednokratne novčane pomoći za rješavanje socijalnih potreba broj: 06-04-26735-1/25, ministarstvo za boračka pitanja Kantona Sarajevo donosi:

O D L U K U
o dodjeli jednokratne novčane pomoći

I

Dodjeljuje se jednokratna novčana pomoć u plaćanju troškova u procesu odbrane slijedećim licima, a čiji su zahtjevi razmatrani na **2. sjednici** Komisije za dodjelu jednokratne novčane pomoći u plaćanju troškova u procesu odbrane **dana 10.07.2025. godine**:

R. b.	DATUM	PROT.	PREZIME	IME	STATUS	JMBG	ODOBRENI IZNOS
1.	29. 4. 2025.	18073	HAMZIĆ	EDIN	DB		
2.	21. 5. 2025.	28086	OPRAŠIĆ	ALMIR	DB		

3.	29. 5. 2025.	30458	MUSLIMOVIĆ	FIKRET	DB		
4.	2. 6. 2025.	31406	KUSTURA	ENVER	DB		
5.	10. 6. 2025.	33022	BULJUBAŠIĆ	FERID	DB		
6.	10. 6. 2025.	32945	SEJDIĆ	AHMET	DB		
7.	16. 6. 2025.	34374	FEHRIĆ	ADEM	DB		
8.	20. 6. 2025.	35927	GLUŠAC	ŠEVKO	DB		
9.	7. 7. 2025.	38607	DUDAKOVIĆ	ATIF	DB		
10.	3. 6. 2025.	31625	MUHIĆ	BAHRUDIN	DB		
11.	10.07.2025	39042	CIKOTIĆ	SELMO	DB		

II

Sredstva obezbjediti i isplatu izvršiti preko Ministarstva finansija Kantona Sarajevo uplatom na transakcijske račune u prilogu ove Odluke.

III

Odluka će se realizovati u skladu sa odobrenim operativnim budžetom, odnosno sredstvima stavljenim na raspolaganje Ministarstvu za boračka pitanja od strane Ministarstva finansija.

IV

Ova Odluka stupa na snagu danom donošenja.

O b r a z l o ž e n j e

Ministarstvo za boračka pitanja Kantona Sarajevo dana 18.04.2025. godine objavilo je u dnevnom listu "Avaz" generalni javni poziv za sve vrste pomoći na koje lica iz člana 1. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", br. 31/22, 8/24 i 13/25) mogu aplicirati, između ostalog i pravo na dodjelu jednokratne novčane pomoći u plaćanju troškova u procesu odbrane.

Rješenjem ministra za boračka pitanja Kantona Sarajevo broj: 06-04-26735/25 od 19.05.2025. godine imenovana je Komisija za dodjelu jednokratne novčane pomoći u plaćanju troškova u procesu odbrane. Zadatak Komisije je da ocjeni da li podnosilac zahtjeva ispunjava uslove i kriterije za dodjelu ove vrste pomoći, propisane članom 30. i 31. Pravilnika za utvrđivanje prava na dodjelu jednokratne novčane pomoći ("Službene novine Kantona Sarajevo", br. 15/25 i 20/25), te da predloži ministru visinu iznosa jednokratne novčane pomoći u plaćanju troškova u procesu odbrane, uz obrazloženje tog prijedloga. Komisija je prilikom primjene uslova i kriterija propisanih Pravilnikom za utvrđivanje prava na dodjelu jednokratne novčane pomoći ("Službene novine Kantona Sarajevo", broj 15/25) primjenila dopunske i ostale kriterije kao što su: kategorizacija djela (UZP/udruženi zločinački poduhvat, komandna odgovornost, lična odgovornost), obim optužnice (broj potrebnih eksperata prema optužnici, vremenski period i veličina teritorije koji obuhvata optužnica, broj svjedoka) i ostali kriteriji (učesće u OS R BiH, način odbrane/po službenoj dužnosti ili lična odbrana/privatno angažovanje advokata), a koji su propisani članom 3. stav (2) Poslovnika o radu Komisije za dodjelu jednokratne novčane pomoći u plaćanju troškova u procesu odbrane broj: 06-04-26735-1/25 od 26.05.2025. godine, te u skladu s tim utvrdila iznose jednokratnih novčanih pomoći u plaćanju troškova u procesu odbrane.

Komisija je na **2. sjednici** Komisije za dodjelu jednokratne novčane pomoći u plaćanju troškova u procesu odbrane dana **10.07.2025. godine** razmotrila ukupno **11 zahtjeva**, te u svakom konkretnom slučaju cijnila gore navedene kriterije (kategorizacija djela, obim optužnice i ostali kriteriji) za utvrđivanje iznosa jednokratne novčane pomoći u plaćanju troškova u procesu odbrane i da li podnosilac zahtjeva ispunjava uslove iz člana 31. stav (1) Pravilnika za utvrđivanje prava na dodjelu jednokratne novčane pomoći ("Službene novine Kantona Sarajevo", br. 15/25 i 20/25), a to su:

- a) dokaz da je lice iz člana 1. Zakona (uvjerenje o vremenu provedenom u OS R BiH-obrazac VFMB-3a/FMB-3a, uvjerenje da je korisnik lične invalidnine, uvjerenje da je korisnik prava na mjesečno novčano primanje za dobitnike ratnih priznanja i odlikovanja;
- b) dokaz o pokretanju istrage, podizanju ili potvrđivanju optužnice i drugo (rješenje, relevantni izvod iz optužnice i sl.);
- c) dokaz o troškovima odbrane ukoliko istim raspolaže (ugovor sa advokatom, punomoć za advokata i sl.);
- d) prijava mjesta prebivališta-boravišta;
- e) kućna lista;
- f) dokaz o pritvoru osumnjičenog ili optuženog ukoliko zahtjev podnosi član njegovog porodičnog domaćinstva;

g) potvrda banke o otvorenom računu.

Komisija je utvrdila da se radi o licima iz člana 1. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj 31/22, 8/24 i 13/25) i da podnosioci zahtjeva ispunjavaju uslove iz člana 31. Pravilnika za utvrđivanje prava na dodjelu jednokratne novčane pomoći („Službene novine Kantona Sarajevo“, br. 15/25 i 20/25).

U skladu sa gore navedenim riješeno je kao u dispozitivu ove Odluke.

POUKA O PRAVNOM LIJEKU:

Ova Odluka je konačna i protiv iste se može podnijeti tužba nadležnom općinskom sudu.

Obradio: Dalila Kuvendžić, sekretar Komisije

MINISTAR

Dr. sc. Omer Gsmić

Dostaviti:

- Sektor za ekonomske poslove
- a/a